

5 მიმართებები და დალაგება

განვიხილოთ საქართველოს მოქალაქეთა სიმრავლე $A = \{w \mid w \text{ საქართველოს მოქალაქეა}\}$. რა თქმა უნდა, ამ სიმრავლეში ისეთი ადამიანების ქვესიმრავლები იქნება, რომლებიც ერთმანეთთან მეგობრობენ. თუ $a, b \in A$ და a მეგობრობს b -თან, მაშინ b მეგობრობს a -თან. იმის აღსანიშნავად, რომ a და b მეგობრობენ, შეგვიძლია დაგრეროთ: (a, b) . თუ ჩამოვწერთ კველა ასეთი მეგობრების წყვილებს, მივიღებთ რადაცა სიმრავლეს $R = \{(a, b) \mid a, b \in A, a$ და b ერთმანეთთან მეგობრობენ\}. აღვილო შესამჩნევია, რომ $(a, b) \in R \Leftrightarrow (b, a) \in R$.

ახლა კი განვიხილოთ იგივე სიმრავლე A და მასზე განსაზღვრული მიმართება $R_1 = \{(a, b) \mid a, b \in A, b$ არის a -ს წინაპარი\}. ცხადია, რომ თუ $(a, b) \in R_1 \Rightarrow (b, a) \notin R_1$.

თუ მოცემულია ნებისმიერი ორი სიმრავლე A და B , მაშინ $A \times B = \{(a, b) \mid a \in A, b \in B\}$ A და B სიმრავლეების „დეკარტული ნამრავლი“ ეწოდება.

მაგალითად, თუ $A = \{1, 2, 3, 4\}$ და $B = \{a, b, c\}$, მაშინ

$$A \times B = \{(1, a), (1, b), (1, c), (2, a), (2, b), (2, c), (3, a), (3, b), (3, c), (4, a), (4, b), (4, c)\}.$$

აღსანიშნავია, რომ აქ მნიშვნელობა აქვს ელემენტების თანმიმდევრობას: პირველ ადგილზე A სიმრავლის ელემენტი, ხოლო მეორეზე კი - B სიმრავლისა.

ცხადია, რომ $A \times A$ სიმრავლე $\subset A$ სიმრავლის თავის თავთან დეკარტული ნამრავლია.

მაგალითად, თუ $A = \{a_1, a_2, a_3\}$, $A \times A = \{(a_1, a_1), (a_1, a_2), (a_1, a_3), (a_2, a_1), (a_2, a_2), (a_2, a_3), (a_3, a_1), (a_3, a_2), (a_3, a_3)\}$.

საფარჯიშო 5.1: განვიხილოთ შემდეგი ამოცანა: მოცემულია $n \in \mathbb{N}$. შეადგინეთ $A \times A$, სადაც $A = \{a_1, a_2, \dots, a_n\}$.

რა არის ამ ამოცანის მონაცემი? რა უნდა იქნა მისი შედეგი? დაწერეთ ალგორითმი, რომელიც ამ ამოცანას გადაჭრის.

თუ მოცემულია რაიმე სიმრავლე A , მაშინ $R \subset A \times A$ მასზე განსაზღვრული მიმართება ეწოდება.

მაგალითად, ზემოთ განსაზღვრული R (მეგობრობის აღმნიშვნელი) და R_1 (წინაპარების აღმნიშვნელი) სიმრავლეები შესაბამისი A სიმრავლის სხვადასხვა დამოკიდებულებების განმსაზღვრელია.

ორ სხვადასხვა სიმრავლეზე განსაზღვრული მიმართების მაგალითიად შეგვიძლია მოვიყვანოთ საქართველოს რეგიონებისა და ქალაქების სიმრავლეები:

$A = \{\text{ქართლი}, \text{კახეთი}, \text{რაჭა}, \text{იმერეთი}, \text{სამეგრელო}\}$ და $B = \{\text{ოზურგეთი}, \text{ონი}, \text{ფოთი}, \text{აგარა}, \text{ზუგდიდი}, \text{ვანი}, \text{თელავი}, \text{გურჯაანი}, \text{ქუთაისი}\}$.

მიართება, რომელიც თითოეულ რეგიონს მასში არსებულ ქალაქს დაუკავშირებს, იქნება:

$$R_2 = \{ (\text{ქართლი}, \text{აგარა}), (\text{კახეთი}, \text{თელავი}), (\text{კახეთი}, \text{გურჯაანი}), (\text{რაჭა}, \text{ონი}), (\text{იმერეთი}, \text{ვანი}), (\text{იმერეთი}, \text{ქუთაისი}), (\text{სამეგრელო}, \text{ფოთი}), (\text{სამეგრელო}, \text{ზუგდიდი}) \}.$$

ამრიგად, გვაქვს შემდეგი განსაზღვრება:

ნებისმიერი A და B სიმრავლისათვის $R \subset A \times B$ ამ სიმრავლეზე განსაზღვრული მიმართებაა (არაა გამორიცხული, რომ $A = B$).

- თუ $\forall a_1, a_2 \in A, a_1 \neq a_2, (a_1, a_2) \in R$ ან $(a_2, a_1) \in R$, მაშინ R მიმართებას სრული ეწოდება;
- თუ $\forall a \in A, (a, a) \in R \subset A \times A$, მაშინ R მიმართებას რეფლექსური ეწოდება;
- თუ $\forall a_1, a_2 \in A, a_1 \neq a_2, (a_1, a_2) \in R \Leftrightarrow (a_2, a_1) \in R$, მაშინ R მიმართებას სიმეტრიული ეწოდება;
- თუ $\forall a_1, a_2 \in A, a_1 \neq a_2, (a_1, a_2) \in R \Rightarrow (a_2, a_1) \notin R$, მაშინ R მიმართებას ანტისიმეტრიული ეწოდება;
- თუ $\forall a_1, a_2, a_3 \in A, a_1 \neq a_2, a_3 \neq a_2, ((a_1, a_2) \in R, (a_2, a_3) \in R) \Rightarrow (a_1, a_3) \in R$, მაშინ R მიმართებას ტრანზიტული ეწოდება.

მაგალითად, ზემოთ განსაზღვრული R (მეგობრობის აღმნიშვნელი) მიმართება სიმეტრიულია, მაგრამ არ არის სრული, რადგან შეიძლება მოიძებნოს ორი ისეთი ადამიანი $a, b \in A$, რომელიც ერთმანეთთან არ მეგობრობს და ამიტომ $(a, b) \notin R$.

მეორე მიმართება R_1 (წინაპრების განმსაზღვრული) ტრანზიტულია: თუ a -ს წინაპარია b ($(a, b) \in R_1$) და b -ს წინაპარია c ($(b, c) \in R_1$), a -ს წინაპარია c ანუ $(a, c) \in R_1$.

მესამე მიმართება R_2 ანტისიმეტრიული და არასრულია: R_2 არ შეიცავს არც ერთ წყვილს, რომელშიც შედის ოზურგეთი.


საგარჯიშო 5.2: დაამტკიცეთ, რომ მიმართება $R_3 \subset \mathbb{N} \times \mathbb{N}$, $R_3 = \{(a, b) | a \leq b\}$ რეფლექსური და სრულია.

საგარჯიშო 5.3: დაწერეთ, რისი ტოლია შემდეგი სიმრავლეები:

- (ა) $\{1\} \times \{1, 2\} \times \{1, 2, 3\}$;
- (ბ) $\emptyset \times \{1, 2, 3\}$;
- (გ) $2^{\{1, 2\}}$, რაც არის $\{1, 2\}$ სიმრავლის ყველა შესაძლო ქვესიმრავლის სიმრავლე;
- (დ) $2^{\{1, 2\}} \times \{1, 2\}$.

თვალსაჩინოებისათვის პატარა სიმრავლეებზე მიმართებები გრაფიკულად შეიძლება გამოვსახოთ: თუ A სიმრავლეზე განსაზღვრულია რაიმე მიმართება R და $(a, b) \in R$, მაშინ a და b ელემენტები გამოისახება რგოლებად, ხოლო $(a, b) \in R$ კი a ელემენტიდან b ელემენტში მიმართული ისრით (ნახ. 27 (ა)). თუ $(b, b) \in R$, ეს გრაფიკულად b ელემენტის შესაბამისი რგოლიდან გამომავალი და იგივე რგოლში შემავალი ისრით გამოიხატება (ნახ. 27 (ბ)).

თუ $A = \{a, b, c, d, e\}$, მაშინ $R = \{(a, a), (a, b), (b, b), (b, a), (c, a), (c, d), (d, e), (e, b), (e, c), (e, d)\}$ ისე შეიძლება წარმოვადგინოთ, როგორც ნახ. 27 (გ)) -ში.



ნახ. 27: მიმართებათა გრაფიკული წარმოდგენა

რეფლექსურ, სიმეტრიულ და ტრანზიტულ მიმართებას „ტოლობის მიმართება“ ან „ექვივალენტურობის მიმართება“ ეწოდება.

მაგალითად, თუ მოცემულია მსოფლიოს ხალხთა სიმრავლე A , მაშინ $R' = \{(a, b) | a$ და b ერთი ეროვნების არიან } ექვივალენტურობის მიმართებაა, რადგან იგი რეფლექსური, სიმეტრიული და ტრანზიტულია.

საგარჯიშო 5.4: დაამტკიცეთ, რომ ზემოთ მოყვანილი მიმართება R' მართლაც რეფლექსური, სიმეტრიული და ტრანზიტულია.

ექვივალენტურობის მიმართება სიმრავლეს ეწ. „ექვივალენტურობის კლასებად“ ჰყოფს, ანუ ისეთ ქვესიმრავლებად, სადაც ერთმანეთის ექვივალენტური (ანუ გარკვეული თვალსაზრისით მსგავსი) ელემენტები შედის. სხვა სიტყვებით რომ ვთქვათ, თუ რაიმე $A \neq \emptyset$ სიმრავლეზე განსაზღვრულია ექვივალენტურობის მიმართება R , იგი განსაზღვრავს A სიმრავლის ისეთ ქვესიმრავლებს $B \subset A$, რომ $B = \{a, b \in A | (a, b) \in R\}$ (ამ ქვესიმრავლეებში მხოლოდ ისეთი ელემენტები შედის, რომლებიც R მიმართების განსაზღვრებით ერთმანეთის „ექვივალენტურია“).

მაგალითად, თუ მოცემულია მიმართება $R = \{(a, b) \mid a \text{ და } b \text{ ორივე ლურჯია ან } a \text{ და } b \text{ ორივე კენტია\}$, იგი ნატურალურ რიცხვთა \mathbb{N} სიმრავლეში ორ ქვესიმრავლებს გამოჰყოფს - ლურჯია კენტი რიცხვთა ქვესიმრავლებს (კლასებს): $N_1 = \{a_i \mid (a_k, a_l) \in R \text{ და } \text{ორივე ლურჯია\}$, $N_2 = \{a_i \mid (a_k, a_l) \in R \text{ და } \text{ორივე კენტია\}$

თუ მოცემულია $A = \{0, 1, 2, 3, 4, 5, 6, 7\}$, მაშინ მიმართება $R = \{(a, b) \in A \times A \mid a \text{ და } b \text{ ორივე ლურჯია ან } a \text{ და } b \text{ ორივე კენტია\}$ გრაფიკულად შემდეგნაირად შეიძლება გამოისახოს:



ნახ. 28: სიმრავლის ორ დამოუკიდებელ კლასად დაყოფის მაგალითი

ადვილი დასანახია, რომ R მიმართება A სიმრავლეში ორ დამოუკიდებელ კლასს (ქვესიმრავლებს) გამოჰყოფს.

აღსანიშნავია, რომ ეს ერთმანეთის ექვივალენტური ანუ ტოლი ელემენტები მოცემული მიმართებითაა განსაზღვრული. სხვა მიმართებას შეიძლება სხვა ექვივალენტური ელემენტები გამოეყო. ამის მაგალითია იგივე A სიმრავლეზე განსაზღვრული $R' = \{(a, b) \mid a \text{ და } b \text{ ორივე იყოფა 3-ზე ან } a \text{ და } b \text{ ორივე არ იყოფა 3-ზე\}$.

სავარჯიშო 5.5: გრაფიკულად გამოხატეთ ბოლოს მოცემული მიმართება R' ისე, როგორც ეს წინა მაგალითში მოხდა.

რაიმე A სიმრავლის ექვივალენტურობის კლასები შემდეგნაირად აღინიშნება: $[a] = \{b \mid (a, b) \in R\}$, სადაც R არის A სიმრავლის ექვივალენტურობის მიმართება.

მაგალითად, თუ $A = \{0, 1, 2, 3, 4, 5, 6, 7, 8, 9\}$ და $R' = \{(a, b) \mid a \text{ და } b \text{ ორივე იყოფა 3-ზე ან } a \text{ და } b \text{ ორივე არ იყოფა 3-ზე\}$, $[6] = \{0, 3, 6, 9\}$ და $[2] = \{1, 2, 4, 5, 7, 8\}$.

სავარჯიშო 5.6: მოიყვანეთ ნატურალურ რიცხვთა სიმრავლეზე განსაზღვრული ექვივალენტურობის მიმართების მაგალითი, რომელიც სამ ქვესიმრავლებს გამოჰყოფს. თითოეულ ასეთ კლასში ერთმანეთის ექვივალენტური ელემენტებია.

ახლა კი განვიხილოთ ორი ნატურალური რიცხვი, რომელიც ათობით ანბანშია ჩაწერილი: 307 და 509. ჩვენ ვიცით, რომ $307 < 509$. ამ ორი რიცხვის ასეთი მიმართება საღდაც უნდა იყოს განსაზღვრული (ანალოგიურად ჩვენ შეგვეძლოთ განგვეხსაზღვრა $509 < 307$). ჩვენ ვიცით, რომ $0 < 1 < 2 < 3 < 4 < 5 < 6 < 7 < 8 < 9$. მაგრამ ამ ციფრების ასეთი მიმართება ცხადი არაა, ესეც ვიდაცის მიერაა დადგენილი და შემდეგ საყოველთაოდ მიღებული.

ამრიგად, გვაქვს შემდეგი მიმართება $A = \{0, 1, 2, 3, 4, 5, 6, 7, 8, 9\}$ სიმრავლეზე:

$$R = \{ \begin{aligned} &(0, 1), (0, 2), (0, 3), (0, 4), (0, 5), (0, 6), (0, 7), (0, 8), (0, 9) \\ &(1, 2), (1, 3), (1, 4), (1, 5), (1, 6), (1, 7), (1, 8), (1, 9) \\ &(2, 3), (2, 4), (2, 5), (2, 6), (2, 7), (2, 8), (2, 9) \\ &(3, 4), (3, 5), (3, 6), (3, 7), (3, 8), (3, 9) \\ &(4, 5), (4, 6), (4, 7), (4, 8), (4, 9) \\ &(5, 6), (5, 7), (5, 8), (5, 9) \\ &(6, 7), (6, 8), (6, 9) \\ &(7, 8), (7, 9) \\ &(8, 9) \end{aligned} \}$$

ეს მიმართება ეწ. „დალაგებას“ განსაზღვრავს, ანუ გვაძლევს იმის წესს, თუ როგორ შეიძლება დაგალაგოთ სიმრავლის ელემენტები ზრდადობის მიხედვით.

განმარტება 5.1: სრულ, ანტისიმეტრიულ და ტრანზიტულ მიმართებას დალაგება ეწოდება. არასრულ, ანტი-სიმეტრიულ და ტრანზიტულ მიმართებას ნაწილობრივი დალაგება ეწოდება.

საგარჯიშო 5.7: დაამტკიცეთ, რომ ბოლოს მოყვანილი მიმართება R დალაგებაა.

საგარჯიშო 5.8: მოიყვანეთ ზემოთ განსაზღვრულ A სიმრავლეზე ნაწილობრივი დალაგების მაგალითი.

თუ $(a, b) \in R$ და R დალაგებაა, მაშინ ვწერთ: $a < b$.

თუ გვაქვს მოცემული დალაგება ზემოთ მოყვანილ ანბანზე A , ადგილად შეიძლება A^* სიმრავლის სიტყვების დალაგებაც შემდეგი ალგორითმით:

ალგორითმი $C(w, v)$

მოცემულია: $w = (w_1, w_2, \dots, w_n), v = (v_1, v_2, \dots, v_m) \in A^*$

- თუ $|w| = |v| = 0$, მაშინ $w = v$ და ალგორითმი დაასრულე.
- თუ $w(1) < v(1)$, მაშინ $(w, v) \in R$ (ან, რაც იგივეა, $w < v$) და ალგორითმი დაასრულე.
- თუ $v(1) < w(1)$, მაშინ $(v, w) \in R$ (ან, რაც იგივეა, $v < w$) და ალგორითმი დაასრულე.
- ჩაატარე $C(w\{|w|-1\}, v\{|v|-1\})$ (იგივე ალგორითმი w და v სიტყვების სუფიქსებისათვის).

აუცილებლად გასათვალისცინებელია, რომ $\epsilon < a, \forall a \neq \epsilon \in A$.

საგარჯიშო 5.9: სიტყვიერად ახსენით, თუ რას ნიშნავს ზედა ალგორითმში მოყვანილი მათემატიკური ჩანაწერები „თუ $w(|w|) < v(|v|)$, მაშინ...“ და „ $C(w\{|w|-1\}, v\{|v|-1\})$ “.

საგარჯიშო 5.10: დაამტკიცეთ ამ ალგორითმის სისწორე. გამოითვალიერეთ მისი ბიჯების რაოდენობა, თუ $|w| = |v|$ და შემდეგ თუ $|w| \neq |v|$.

საგარჯიშო 5.11: დაწერეთ, თუ რისი ტოლია ზემოთ მოყვანილ A სიმრავლეზე განსაზღვრული დალაგების სიმრავლე, რომლის მიხედვითაც $1 \leq 3 \leq 2 \leq 5 \leq 8 \leq 4 \leq 0 \leq 9 \leq 7 \leq 6$.

საგარჯიშო 5.12: მოიყვანეთ A სიმრავლეზე განსაზღვრული ორი სხვადასხვა ნაწილობრივი დალაგების მაგალითი. არის თუ არა $R = \emptyset$ ამ სიმრავლის ნაწილობრივი დალაგება?

საგარჯიშო 5.13: დაამტკიცეთ, რომ თუ R_1 და R_2 რაღაცა სიმრავლეზე განსაზღვრული ნაწილობრივი დალაგებებია, მაშინ $R_1 \cap R_2$ იგივე სიმრავლეზე განსაზღვრული ნაწილობრივი დალაგებაა.

საგარჯიშო 5.14: მოცემულია ნებისმიერი სიმრავლე S , რომელიც თავის მხრივ რაღაცა სიმრავლეებისაგან შედგება. დაამტკიცეთ, რომ $R_S = \{(A, B) \mid A, B \in S, A \subseteq B\}$ ნაწილობრივი დალაგებაა.

საგარჯიშო 5.15: დავუშვათ, $S = 2^{\{1, 2, 3\}}$, რაც არის $\{1, 2, 3\}$ სიმრავლის ყველა შესაძლო ქვესიმრავლის სიმრავლე. ამრწერეთ ამ სიმრავლის ყველა ელემენტი და დიაგრამის სახით გამოსახეთ წინა საგარჯიშოში განსაზღვრული მიმართება R_S , რომელიც ამ სიმრავლეზე განსაზღვრულია. ცალკე ამოწერეთ S სიმრავლის მინიმალური ელემენტები, ანუ ისეთი ელემენტები a_i , რომელთავისაც $(a_i, b) \in R_S, \forall b \in S$.

საგარჯიშო 5.16: როგორ განისაზღვრება ნებისმიერი A სიმრავლის რაღაცა R დალაგების შედეგად მიღებული მაქსიმალური ელემენტები?

დალაგება და ნაწილობრივი დალაგება ცენტრალურ როლს თამაშობს ინფორმატიკაში, რადგან ამოცანათა უდიდესი ნაწილი მონაცემთა რაღაცა წესის მიხედვით დალაგების შედეგად საკმარის მარტივდება.

ამის მაგალითია ქართულ ანბანზე Q შემოტანილი დალაგება $a < b < c < d < \dots < z < \text{ჰ}$. თუ ჩვენ ამის საფუძველზე ქართულ სიტყვებსაც დავალაგებთ (ანუ შემოვიტანო დალაგების წესს Q^* სიმრავლეზე), ქართულ დალაგების მიმართ რამდენიმე მოცემული w სიტყვის მოქებნა გაადგილდება: ლექსიკონს გადავშლით შეაში და ამოვიკითხავთ პირველივე სიტყვას v . თუ $w = v$, სიტყვა მოქებილია. თუ ჩვენი საძებნი სიტყვა ამ სიტყვის წინა (ანუ

$w < v$), მაშინ იგივე ოპერაციას გავიმურებთ დექსიკონის პირველ ნახევარში (თუ $v < w$, ვიღებთ მეორე ნაწილს): გადავშლით ამ ნაწილის შეაში და ანალოგიურ პროცედურას გავიმურებთ.

საგარჯიშო 5.17: დაწერეთ ალგორითმი, რომელიც ქართულ ანბანზე განსაზღვრული ორი სიტყვისათვის w და v განსაზღვრავს, $w = v$ თუ $w < v$ თუ $v < w$.

შენიშვნა: ეს ალგორითმი ათობითში ჩაწერილი რიცხვების შედარების ალგორითმის მსგავსია.

საგარჯიშო 5.18: დაამტკიცეთ წინა საგარჯიშოში მოყვანილი ალგორითმის სისწორე და გამოითვალიერეთ მისი ბიჯების რაოდენობა, თუ $|w| = n$ და $|v| = m$.

ზოგადად, თუ მოცემულია რაიმე A ანბანი და $S = \{u_1, u_2, \dots, u_n \in A^*\}$ სიტყვათა სიმრავლე, მოცემული w სიტყვის მოძებნა ამ სიმრავლეში შეიძლება შემდეგი ალგორითმით:

ალგორითმი $L(S, w)$

მოცემულია: $S = \{u_1, u_2, \dots, u_n \in A^*\}$ სიტყვათა სიმრავლე და რადაცა სიტყვა w .


შედეგი: ვიპოვნოთ ისეთი $u_i \in S$, რომ $u_i = w$.

- თუ $S = \emptyset$, მაშინ დაბეჭდე: „სიტყვა სიმრავლეში არ მოიძებნა” და ალგორითმი დაასრულე.
- თუ $u_{\lfloor \frac{|S|}{2} \rfloor} = w$, მაშინ დაბეჭდე: „ i -ური ელემენტია w ” და ალგორითმი დაასრულე.
- $u_{\lfloor \frac{|S|}{2} \rfloor} < w$, მაშინ ჩაატარე $L(\{u_{\lfloor \frac{|S|}{2} \rfloor} + 1, \dots, u_n\}, w)$.
- $u_{\lfloor \frac{|S|}{2} \rfloor} > w$, მაშინ ჩაატარე $L(\{u_{\lfloor \frac{|S|}{2} \rfloor}, \dots, u_1\}, w)$.

საგარჯიშო 5.19: ინდუქციის გამოყენებით დაამტკიცეთ ამ ალგორითმის სისწორე. გამოითვალიერეთ მისი ბიჯების რაოდენობა, თუ $|S| = n$.

ახლა კი განვიხილოთ ნახ. 29 (ა) -ში მოყვანილი მიმართება. ადვილი საჩვენებელია, რომ იგი არც რეფლექსური და არც ტრანზიტულია.

საგარჯიშო 5.20: აჩვენეთ, რომ ნახ. 29 (ა) -ში მოყვანილი მიმართება არც რეფლექსური და არც ტრანზიტულია.



ნახ. 29: მიმართების რეფლექსური და ტრანზიტული ჩაკეტვა

ამ მიმართების სიმრავლისათვის რამდენიმე ახალი წყვილის (ან გრაფიკულად ისრის) ჩამატებით შეიძლება მივიღოთ ტრანზიტული მიმართება (ნახ. 29 (ბ)). დამატებით ყველა ა ელემენტისათვის (a, a) წყვილის დამატებით კი ეს მიმართება რეფლექსურიც ხდება (ნახ. 29 (გ)).

ანალოგიური პროცედურა - დამატებითი წყვილებით გაფართოვება ისე, რომ ნებისმიერი მიმართება ტრანზიტული და რეფლექსური გახდეს, შეიძლება ნებისმიერ მიმართებაზე ჩავატაროთ. მიღებულ მიმართებას საწყისი მიმართების რეფლექსური და ტრანზიტული ჩაკეტვა ეწოდება.

განმარტება 5.2: ნებისმიერი R მიმართების ტრანზიტული და რეფლექსური ჩაკეტვა R^* ეწოდება ისეთ რეფლექსურ და ტრანზიტულ მიმართებას, რომლისთვის $R \subset R^*$ და R^* სიმრავლის ელემენტების რაოდენობა მინიმალურია

იმ სიმრავლეების ელემენტების რაოდენობათა შორის, რომლებიც R მიმართებას ქვესიმრავლედ შეიცავენ, ანუ R^* სიმრავლე R სიმრავლიდან რაც შეიძლება ცოტა წყვილის დამატებით უნდა მიიღებოდეს.

საგარჯიშო 5.21: დაწერეთ ალგორითმი, რომელიც ნებისმიერი A სასრული სიმრავლის რაიმე R მიმართებისათვის მის რეფლექსურ და ტრანზიტულ ჩაკეტვას გამოიანგარიშებს (ანუ შეადგენს შესაბამის სიმრავლეს). დაამტკიცეთ მისი სისწორე და გამოიანგარიშეთ ბიჯების რაოდენობა, თუ $|A| = n$.